

Vischnaunca da Mustér

Regulativ Biblioteca populara Disentis/Mustér e contuorn

Sboz dils 02-10-2012

2012

CUNTEGN

I. Disposiziuns generalas

- Art. 1 Num e purtader
2 Intent ed incarica
3 Porschida
4 Tecnica bibliotecara

II. Organisaziun

- 5 Suprastonza communal
6 Cumissiun da biblioteca: Cumposiziun ed elecziun
7 Cumissiun da biblioteca: Incarica e cumpetenzas
8 Il menader / la menadra
9 Collaboraturas e collaboraturs

III. Diever e finanziaziun

- 10 Diever
11 Reglament da diever
12 Localitads
13 Entradas ordinarias
14 Expensas
15 Preventiv e quen
16 Indemnisaziun

IV. Disposiziuns finalas

- 17 Dretg da recuors
18 Persunas dil fatg
19 Garanzia
20 Entrada en vigur

I. Disposiziuns generalas

Art. 1 Num e purtader

Sut il num "Biblioteca populara Disentis/Mustér e contuorn" exista ina biblioteca, che vegn purtada dalla vischnaunca da Disentis/Mustér.

Art. 2 Intent ed incarica

¹La biblioteca porscha divertiment, informaziun e scolaziun a carschi, alla giuventetgna ed als affons. Ella intermediéscha cudischs ed ulteriurs mieds, presenta quels en ina fuorma plascheivla ed en ina localitad adattada e mira che quella seigi aviarta per scadin diever ed emprest.

²Ella survescha per emprests publics e sco biblioteca da scola.

Art. 3 Purschida

La purschida duei esser varionta e vegnir cumpletada e renovada regularmein, sinaquei che la biblioteca seigi adina en in bien stan e disponi da mieds actuals.

Art. 4 Tecnica bibliotecara

La sistematica, la presentaziun, la catalogisaziun e la cudischaziun ston s'adattar alla tecnica generala dalla Cuminonza da lavur dallas bibliotecas svizras da lectura publica (CLP).

II. Organisaziun

Art. 5 Suprastonza communal

La survegionza suprema cumpeta alla suprastonza communal ferton che la survegionza directa ei surschada alla cumissiun da biblioteca, eligida dalla suprastonza communal.

Art. 6 Cumissiun da biblioteca a) Cumposiziun ed elecziun

¹La cumissiun secumpona da treis entochen tschun commembers che representan ils interess dallas differentas gruppaziuns socialas, interessadas alla biblioteca e representativas per ils utilisaders dalla biblioteca dalla vischnaunca da Disentis/Mustér e contuorn.

²L'elecziun succeda entras la suprastonza communal all'entschatta d'ina perioda d'uffeci e per in cuoz da mintgamai quater onns.

³Il menader ni la menadra assista allas sedutas dalla cumissiun cun vusch cusseglionta.

**Art. 7 Cumissiun da biblioteca
b) Incarica e cumpetenzas**

¹La cumissiun da biblioteca

- survigilescha tuts fatgs dalla biblioteca
- elegia il menader ni la menadra ed igl ulteriur personal
- relai in reglament da diever ed ils carnets da duers necessarias
- prepara e presenta il preventiv annual sco era il quen ed il rapport annual per mauns dalla suprastanza communal

²La cumissiun da biblioteca ha la cumpetenza da contrahar directamein cun autoritads ed instituziuns. Per damondas da tempra principala, drova ei il consentiment dallas instanzas communalas cumpetentas.

Art. 8 Il menader / la menadra

¹Il menader ni la menadra meinan ensemen cun il personal da survetsch la biblioteca. Sias incaricas vegnan fixadas en in carnet da duers.

²Il menader ni la menadra ein autorisai da far las expensas el rom dil preventiv, approbaus dalla suprastanza communal.

Art. 9 Collaboraturas e collaboraturs

Per dar damogn alla lavur sa il menader ni la menadra engaschar cun consentiment dalla cumissiun collaboraturs ni collaboraturas.

III. Diever e finanziaziun**Art. 10 Diever**

Mintga habitont sa far diever dalla biblioteca. El ei denton obligaus d'observar il reglament da biblioteca. Plinavon san era ils habitonts dallas vischnauncas vischinontas ed ils hosps vegnir risguardai.

Art. 11 Reglament da diever

Il reglement da diever fixescha las relaziuns denter il client e la biblioteca, en special il dretg da diever, il temps d'avertura, il temps d'emprest, las taxas ed ils avis.

Art. 12 Localitads

La vischnaunca metta a disposiziun las localitads necessarias e procura per lur manteniment. Il diever dallas localitads sedrezza tenor las reglas usitadas per las localitads communalas.

Art. 13 Entradas ordinarias

Las entradas dalla biblioteca secumponan

- d'ina contribuziun annuala dallas vischnaucas vischinontas
- dalla contribuziun dil Cantun
- dallas contribuziuns d'emprest
- da donaziuns
- dil recav d'arranschaments en favur dalla biblioteca.

Art. 14 Expensas

Las entradas ston cuvierer

- il tscheins per las localitads
- la cumpra da medias e d'indrezs
- ils cuosts per material e renovaziun
- las expensas da propaganda
- las indemniziuns per ils collaboraturs e las collaboraturas
- las expensas per scolaziun.

Art. 15 Preventiv e quen

Il preventiv e quen dalla biblioteca vegnan integrai el quen communal.

Art. 16 Indemniziun

Sin proposta dalla cumissiun dalla biblioteca relai la suprastanza communal in reglament per ina indemniziun adequata dil menader ni dalla menadra sco era dallas collaboraturas e dils collaboraturs dalla biblioteca. Quel sedrezza tenor il regulativ d'indemniziun dalla vischnaunca da Mustér, risguardond la situaziun specifica.

IV. Disposiziuns finalas**Art. 17 Dretg da recuors**

Davart cass da dispeta decida en emprema instanza

- la cumissiun da biblioteca en fatgs che pertuccan il lectur, il menader ni la menadra e siu persunal
- la suprastanza communal en caussa dils commembers dalla cumissiun.

Art. 18 Persunas dil fatg

En cass da basegns san la cumissiun ed il menader ni la menadra consultar persunas dil fatg.

Art. 19 Garanzia

La vischnaunca stat botta per las obligaziuns che seresultan en connex cun la biblioteca, aschinavon che las prescripziuns vegnan observadas. Ils commembers dalla cumissiun ed il menader ni la menadra portan negina responsabladad finanziaria persunala, aschinavon ch'ei setracta buca da falliments, commess sapientivamein ni muort malprecauziun.

Art. 20 Entrada en vigor

Quest regulativ ei vegnius approbaus ils dil cussegl da vischnaunca e remplazza il statut dils 12 da december 2008. El passa en vigor cun l'entschatta da schaner 2013.

Per la vischnaunca da Disentis/Mustér

Il president communal:
Dr. Dumeni Columberg

Il canzlist communal:
Andri Hendry